



1卷4
1009
16-7



門 1 曾 4
號 1009
卷 16-7

余自存蘅夢浮眉二集意不復更作而數年以來學道未深
幻情妄想投閒紛然加以友朋牽率多體物補題之作共得
如千首不忍棄去過而存之纖秀之呵固所不免休文之懺
竊或庶幾亦自恨結習之難除悔過之不勇也嘉慶丁卯長
至日鉛山舟中頻伽居士自序

黃葉邨圖

已秋未老正西風幾樹畫出斜照如此江南著箇扁舟看來
煙水都好漲痕初落離根露添屋角數峯清峭想前邨定有
人尋樹下小門開了 自笑吾家同在半邨半郭裏歸計難
料輸與谿翁三腳鑰邊滿地霜華新埽馬塍西去秋盃冷只
近日竹林遊少 謂小松 怕蕭蕭撼撼淒淒點點暮雅寒早

柳梢青

惜花圖為默齋作

斷送春光花開花落老卻潘郎白白朱朱紛紛點點惜惜悵
悵 青落生徧長廊是埋玉淡淡土香燕子歸時畫簾垂處
一段斜陽

一枝花

默齋將有閩海之行以丁巳歲方君蘭坻所作西

湖餞別行看屬題歎逝傷離輒成此解

濕翠濃如許過了朝來涼雨野航三兩客舊漚鷺且緩驪歌
小著尊前句圖畫憑留取老去方干經營慘澹心苦 往事
休重訴又早送君南浦天涯端可惜酒人去天末閩山如薺
圍榕樹橫海樓船渡問手掣長鯨更憶釣魚師不

柳色黃

六扇窗紗斜掩微寒梅雨初過香篝潤逼紅綃笑覆畫衣文
袴良宵正永那信一瓊春醪遙山漸澹眉痕妥若是不相憐
肯佯佯偷臥 眞箇入襄明月碧海青天半霄輕墮花影參
差可恨烏龍閒鎖自來小膽況經此度怔忡勝常道罷回身
可道是不相憐又遙遙同坐

柳梢青

題斜倚熏籠坐到明仕女

皺玉誰溫熏籠倚徧難熨痕蠟鳳猶明檐鴉未起還算黃昏有人會隔中門只許見朝來面勻簾柵垂時剪刀放了各自銷魂

齊天樂

查梅史琴媵軒屬賦

吳蠶愛作同功繭冰絲打來千縷軫玉分田微金鑄礦久矣心心心許三星在戶伴謝女檀郎最淡淡處百福香簌鱗鱗魚婢笑看汝長卿可惜遊倦鷓鴣裘典了誰買詞賦錦瑟人長茂陵草綠暗老舊時芳侶何時酒取怕鬢影春風天寒日暮一曲思歸惜惜淡夜語

買陂塘

查丙塘補屋圖

笑年年塗泥束版寓公真似梁燕尋常不待秋風破已是三重茅卷空谷晚儘帶荔披蘿楚客工幽怨阿稽阿段等刈稻歸來水筒修了商略手初斷書生志廣厦胷中千萬漂搖先自難免妻孥不怪牀牀漏頗怪屋梁仰面君不見有碌磳場邊苦草新如剪紙糊窗暖坐曝背鄰翁驅雞稚子旭日照檐滿

南鄉子

夜永細聞香坐近金鑪鵲尾菊好是問人眠得未空牀白月微微印一方端的沒商量臨去殷勤一盼郎聽得中門雙扇闔倉琅彼此生暗斷腸

又

嬌極卻愁他未縮頰雲兩髻鴉便問昨宵應酒渴薑芽玉腕
攜來雀舌茶何計報伊家說著先教粉淚斜只願年年相
對坐窗紗君似菱花妾似花

點絳脣

詠小

叢桂山邊那年早識愁滋味羅衣心字憐取橫陳未一點
脣朱兩點顰眉翠紅兒比畫橋第四添个人人你

鵲橋仙

詠五

梅花春早雪花春好色色迷離都有同年剛是月團圓想初
二初三時候丁丁漏急瑟瑟鼓絕教孳藏鉤纖手移家船

上肯同吾算只少箇儂一口

南樓令

了鳥鎖黃金交疏隱碧岑一重樓一段春心欲寄閒愁無著
處人定後月微陰舊夢苦侵尋花枝瘦不禁傷闌干驚起
栖禽燭影幢幢鎧上了想又是疊重衾

滿庭芳

題沈秋卿夢綠庵

過雨霑沙流雲學水庭院又是微寒梧陰竹影淡處著蕉團
幾番去恩恩花信換淒迷一曲闌干無人到香鑪茗盃欲枕
睡初安前賢思北郭羈臣老去易雜悲歡夢江南萬綠見
也都難年少東陽何事卻尋常腰帶圍寬他時去圓莎分我
吟就刻琅玕

綠意

娜嬛仙館蕉花畫卷

新涼雨足正乍回曉夢天影都綠半拓吟窗忽見低垂重重
芳意如蹙煮茶煙澹秋痕瘦鞦韆牆角一枝寒玉笑美人別逞
妖妍小露紅情猶俗 想爲著書人倦墨花葉几淨相伴幽
獨史稟焚餘點筆圖成仙掌露珠凝粟詩人愛寫蕭寒景恨
未入雪中橫幅更待他鳳實成時留配故園修竹

采桑子

碧紗窗外風吹雨密密疏疏似有如無薄醉消時燭暈初
醒來呼婦問商略載酒江湖息影菰蘆還作征夫作釣徒

探春慢

陳子玉鄧尉尋春詩意

烏榜衝煙魚鱗動鏡俊遊肯待春晚雨水才交雪花初霽人
在虎山橋畔吟到荒寒處卻早有翠禽嘯徧笑他歌舫怱怱
只向山塘塘半 記共阿連徐孺載畫榼瘦瓢三宿猶戀風
帽欹檐冰苔印屐似爾少年清婉回首昔年夢已兩鬢吳霜
輕點倘覓留題石樓應有詩版

醉太平

春花白紅春山澹濃春波才著春風疊春羅幾重 春晴意
慵春陰懊儂待他春月溶溶約春人載同

賣花聲

飲泉自畫芳草以寄望廬之思爲賦此調

一片好莓苔綠了空階蕤蕤淡鎖舊池臺除卻斜陽和燕子
還有誰來 風約畫簾開獨自徘徊春痕如夢滿天涯泥上

懣羅泉下玉都被伊埋

高陽臺

醉雲樓爲康山人江文叔賦

十里珠簾二分明月仙人原好樓居別起閒房上頭青鳥飛
初多情合爲瓊漿醉早氤氳結就流蘇掩銅鋪萬綠陰中好
箇青廬鴛鴦待闕先開社問何時西曲駕六萌車雜體江
淹要伊小字親書外人那識高唐賦見行雲紅上交疏笑狂
奴他日重來平視容無

菩薩蠻

紅橋宴集代錢錢作

楊花薄處春雲厚紅橋微雨愁時候初試袂羅衣問人宜不
宜坐中皆俊侶更喜能吳語千二百輕鸞何人沈下賢

釵頭鳳

鳳兒詞爲文叔作

丹山麓屏山曲桐花倒挂珍禽綠調琴等吹簫引初三下九
月明風定肯肯肯香車促明珠斛何人墮此懷中玉文窗
冷文園病一簾秋雨滿階花影認認認

一枝花

嚴九能姬人張秋月故外家青衣也字以香修爲

繪秋江載月圖寄題其卷

月色兼秋色江上白蘋風急張星剛一箇月邊出除是君平
還認支機石應見天孫說僥倖梁清明河影裏迎接相憶
重相惜崇讓宅中曾識問卿緣底事淚痕溼從此雙修儘安
穩雙栖得心香憑更焚沈水博山鑪看伊隨意縮結

張愛誦唐人但

見淚痕溼不知
心恨誰之句

鳳皇臺上憶吹簫

題九能畫扇齋秋怨詞用漱玉韻原詞重一休字
今易之

石闕碑銜金缸淚滿彈碁局在心頭把一襟幽恨寫上銀鉤
已是今生憐眷便他生未卜還休如何更星星記夢瑟瑟驚
秋香修幾生到此書縫列芳名指印同留屬春人秋士好
在紅樓夜夜牀前明月爲故鄉溼了雙眸君多事人方欲愁
卻又言愁

疏影

上元夜退庵招飲梅花下越日壽生自分湖來復
會于此用白石韻記之

玲瓏碎玉是舊時月色招我同宿隔歲相思第一回員休教
便弄橫竹微雲澹澹疎鐙小只解照枝南枝北儘夜淡閒與
徘徊不管倚樓人獨佳約逾期肯踐夜湖放一舸來趁酒
涿側帽吟寒也勝豪家爛醉雲屏金屋江城試譜偷聲句怕
略犯龜茲新曲算不如留影文窗看取畫羅十幅

探春慢

題汪芝亭桃花潭水圖

浪暖魚鱗霞蒸鴨腳川原遠近紅徧白舫猶閒青山如笑已
有酒旗風颭遙認前邨路問潭水近來淡淡尋芳想未歸來
文窗一半斜掩難忘人生知已聽岸上蹋歌密意先感采
石磯頭沈香亭畔何似水邨山店商略從君住算我亦宮袍
游倦新釀成時高歌爛醉誰管

寬裳中序第一

陳秋堂蕉林學書卷題詞

閒來補爾雅別院梧桐微雨灑剛是園林首夏正葦影天低
蠟痕風地香姜古瓦又麥光烏几鋪乍憑吟賞蛛絲拂徧蝸
迹篆文寫窗下水天閒話賸修竹數竿低亞人閒噩夢可
怕看老去王維前生曾畫蠶生作圖金壺隨意瀉定一百碑礫比
價還應笑冷抱殘編甚日殺青也

雙雙燕

燕來筍 春晚客中憶故園風物得以下四闋

幾番潑火聽昨夜輕雷隔籬先響參差迸土穿破碧苔如掌
那忍堆槃獨享正社鷺乍開鄰釀少年最惜芳華淺醉烏衣
淡巷 比似春蔥纖樣勝貓臥駢頭兒綳脫襪香泥愁洗上

有芹芽新長苦憶園林勝賞已稍拓當風窗網得知今歲櫻
筵樓上人人無恙

附前調

曹言純種水

翠釵剪綵數風味園蔬盼來良久香泥壘戶乍是去年時
候綳錦紛紛卸就又誰識評量玉瘦除非比似尖尖社日
停針織手 春酒治蠶儘有羨鬪罷籬翁煮殘鄰叟山廚
安配任斥油蔥菹韭愁自櫻筵散後歎巢幕生涯依舊空
竝雉尾蓴絲夢想故邨谿口

清波引

楊花銀魚

柳吹成絮渾未見綠萍礙艣昨宵涼雨波心櫂頭聚網定千
絲否一寸天然如許是誰憐錫芳名算白小應輸汝 回潮

枉渚記當日孤艇小住不如歸去鶯脰作漁父菽乳香同煮
篷背炊煙幾縷繫纜一帶垂楊最惜惜處

附前調

黃安濤 霽青

聽鳴榔徧依約在綠楊遠岸料應春晚連朝絮飄斷喜得
漁童報出網銀絲凌亂試來花港閒觀正唼唼白蘋滿
圓筋入饌比鱸膾風味不減水邨江店就船買尤賤調羹
愛搵手一半品鹽細糝憶殺三月吳淞舵樓炊飯

夏初臨

麥人

吳鄉立夏以新麥微炙掌
搓令熟謂之麥人以佐酒

白袷衫裁黃雲隴割麥秋將雨還晴立夏時光青梅白筍朱
櫻登筵莫訝猶生費曉寒玉手搓成年年風景鮑魚網出雉
雉茸鳴 兒童失喜翁媪開顏預知餅大合用羅輕冬前三

白去年曾見瓊英顆顆勻圓算除非瑟瑟盤盛念何時江湖
得歸相就魚羹 元次山詩將歸就
魚麥窮老江湖邊

附前調

曹言純

雉雉初馴噎鳩早熟黃雲正捲春殘雪片勻搓影擡纖手
闌干婦姑還坐團圓最憐他翠袖雕盤妝眉樓上秋風未
來先作微寒 春來春去長定年時麴車夜夢麪市朝餐
鄉思更切禽言婆餅林端試整歸鞍怕飛蛾已上新紈待
重看雙雙臂支只恐都寬

附前調

黃安濤

雉雉風前蛾飛雨後登場休過三辛病起春殘浮生又得
嘗新漫磨白雪紛紛看盤中粒粒珠傾廚孃捧出麴塵簸
了伴取孤斟 書生結習辨種應難持竿空護說餅還能

青衫潦倒尊前賦手誰尋此日櫻筵合相招枕麴劉伶料
吾徒黃羅帕封無分承恩費禱有麥賦東坡詩注今大內
當麥熟時以黃羅帕封賜百官

惜紅衣

紫荷花草

菜甲黃攪麥畦翠剡半脰初繡紫艷紅天平鋪地衣厚芳名
最好算合襯蹋青鞵瘦知否陌上泥香乍清明時候 風前
雨後一簇衣香何人此攜酒春痕研妥想定坐來久記取往
時沈醉守到夕陽紅皺看牧童歸晚丫角一雙簪又

雪獅兒

杭俗清明以粉餌作狗貶至立夏食之云可祛夏
疫呼爲清明狗月璘屬余咏之

搓酥滴粉誰把烏龍青黃偷塑寒食無煙搖尾知渠何處綵

絲縛住應不吹桃花月午怕待到石泉榆火論功烹汝 長
夏困人良苦想文園病久爲伊禳取上豕歸來黃胖泥孩同
貯嬉遊伴侶小膽怯柳邨花鳴青春暮試問寄書能否

揚州慢

寄康山諸友

水木清華亭臺窈窕此中況著吟朋有雜花如錦有酒又如
繩正吹雪鱗魚上後藥闌紅處翠裏同憑屬嬉春新句醉中
寫上吳綾 江湖載酒料狀元此樂何曾也十面琵琶百番
腰鼓換了滂膺說與史半袁方子雲張子貞顧芝山想登臨
憶我還能夢飛帆來也隔江山色稜稜

琵琶仙

寄懷文叔

淺醉微吟句留處正是春光婪尾窗外時有春風來吹一池
水況俊侶風情未減看賓主才華齊綺側帽聽鶯回波撼遂
總在花底江郎賦輕別念念對紅藥沈吟一年矣書記縱
然無恙只難情難寄還試問雲窗霧閣定有人薄攏雙髻更
念宿雨晴時海桐開未

柳梢青

河東君小像

施粉施朱幅巾闊衷雅合稱儒

柳亦號儒士

白足逃禪黃絕入道

老卻尚書

百年彈指須臾更省識春風畫圖紅豆花殘紅

羊劫小恨滿蘼蕪

摸魚子

汪蛟門先生少壯三好圖藏秦敦夫太史家太史

屬題

是何人持杯踞坐圖書粉黛叢裏舍人才地鴻臚筆大有六
朝風味聊快意看當日羣公一一爭題字蕭郎差儼怕百尺
梧桐而今愁換繞屋白楊矣平生好何止區區三事可憐
少壯能幾酒闌歌罷蛾眉散老其蠶魚生死秦學士想山抹
微雲此曲人能記二分月底且屏當籤廚安排鐫杓容我坐
中醉

西子妝

題壽生西湖訪秋詩冊

卵色浮青魚雲疊碧過了幾番涼雨柳痕煙態已疎疎記年
年看秋來處長隄延伫有多少鷺儔漚侶讓吳儂買蜻蛉一
箇任風吹去君休誤此段清遊天合教領取幫腰草綠馬

惟餘雜詩卷一
躡香是當時少年情緒病懷漫與伴低唱淺斟應許屬尊前
休賦悲秋秀句

水調歌頭

望湖樓

其上天如水其下水如天天容水色淥淨樓閣鏡中懸面面
玲瓏窗戶更著疏疏簾子湖影澹于煙白雨忽吹散涼到白
鷗邊 酌寒泉薦秋菊問坡仙問君何事一去七百有餘年
又問瓊樓玉宇能否羽衣吹簫乘醉賦長篇一笑我狂矣且
放總宜船

清平樂

酒醒人起竹影篩窗紙薄羅衾涼似水第一天涯滋味
柔魂不隔嚴城曉妝見也分明欲續枕函殘夢奈他一陣鴉

聲

浪淘沙

西陵晚歸

積雨淨谿沙魚尾明霞缺瓜小小趁風撻幾箇畫船歸去也
閒殺蘋花 煙靄半橫斜樹杪周遮酒旗樓角是誰家一面
駝鉤都不下人影涼些

國香慢

為吳子修題顧橫波畫蘭扇面同壽生賦分眉生
二字為韻

似畫修眉看不多幾筆葉葉離披秦淮煙輕粉澹自寫幽姿
想見眼波橫處便紅妝季布輸伊多情只紈扇辛苦流連露
蕊風枝 傾城惟一顧記當年雅謔仙也須迷同心句好白

家蠻柳同時底事歛傾落墨怕夕陽紅染臙脂還應足惆悵
老去香嚴不與題詞

賣花聲

低髻約釵梁病不成妝嗁痕已拭尙成行指點畫樓文杏好
歸燕淒涼 漸遠漸蒼茫鎗火漁榔暮寒想透薄羅裳只得
一鉤微月影多少思量

續樂府補題五首

霜華腴

柏子

暮林黯澹映晚江離離一樹初圓紅脫楓衣白欺梅蕊十分
綻了霜天可憐翠鈿記當時樹下門前問何人曲唱西洲菽
花蘆葉共清寒 隨意水邨山郭任漁娃打取雀豹爭喧曉

色推蓬斜陽倚權還驚積雪留殘綺羅畫筵化光明一霎銅
槃只愁伊易近風簾淚痕渾未乾

秋霽

澹竹葉

荒徑尋秋有一種叢篁自弄寒碧个字低分鈿花涼戰寸寸
嫩寒如滴一枝一葉傷池漫帖玲瓏石更記得池外亂飛無
數小黃蝶 除是雨過淨埽浮雲暮天蒼然如此顏色笑長
條牽牛翠浥朝來先怕日痕炙那似此君疎野格試覓籬畔
正好藥錄收時藥籠攜采露華尙溼

瑣窗寒

蝸蠓

絡緯嗁殘涼秋已到豆棚瓜架聲聲慢訴似訴夜來寒乍挂

筠籠晚風一絲水天兒女同閒話算未應輸與金盆蟋蟀枕
甬清夜 窗罅見低亞簇幾葉瓜華露亭水榭胡盧樣小若
箇探懷堪訝笑蟲蟲自解呼名物微不用添爾雅便蛇醫分
與丹砂總露蟬同啞京師人以胡盧貯之製極精好
藏懷中飲以丹砂可養至十月

傾杯樂

沙裏狗

沙岸潮回水邨漁聚腥風幾日催發看伊瑣細何處斷港聽
爬沙響別酒人能說未應誤讀愁他彭越溪梧試呷春酒暖
雙眼一時波活 高陽舊游星散阿誰憑寄須糝吳糟壓定
笑指尊前膽孃難擘也無腸愁絕最憶松江鱸膾鮓雀一樣
瓶泥坼

國香慢

煙草花

小朵娟娟簇微黃澹白點綴畦邊呼龍種來瑤草疑是藍田
昔日遊蠶稚蝶幾曾見如此芳妍無人解頻采薑稜芋陂一
抹秋煙 相思名字在算移根海島已幾多年花花縱好葉
葉更動人憐無分湘筠玉指倚熏鑪噓暖吹寒風前自開落
陌上時時誤認花鈿

高陽臺

寒竹同陸祁生作

石罅苔黏池心冰膠此君尙倚高寒一片瀟湘凍雲留護琅
玕三更急霰才微響已枝枝壓近紅闌小檀欒花戶油窗密
坐聽殘 回思上番移栽後迸春雷幾處膩粉初乾燒筍年
光忒忒又近椒檠蘆簾紙閣朝暎暖惹檐前雀啁爭喧翦冰

慵餘綺語卷一
詞一
紉玉茗黃梅畫與君看

探春

次韻曹種水見贈卽題其擬古諸集

飛雪羣山翦江十幅天涯寒羽先倦萬貫纏輕二分月冷笑
殺文章錦片除是同心侶解說與多愁多感彈來促柱危弦
是誰呼起箏雁 子建華年晚晚算甲子雌雄眞合愁伴烏
箏低蓬蠟釭刻燭短棹何時同返閒擬江淹體更試看柔豪
頻染到及春前寒梅無數開亂

附原詞

曹言純

塵外誅茆病餘求艾文園初賦遊倦古道羊車曉裝駝褐
還惹霜華雪片方是殘年了怎忍得空江離感勝聲搖曳
沙頭幾羣南去飛雁 卻笑相逢未晚有折腳鐺邊叉手

吟伴冰柱銷愁月橋乘興莫似山陰輕返何遜風流筆待
準擬官梅香染信入鐙花霏霏春意凌亂

清平樂

繡鳳仕女

低鬟斜彈淺研吳綾妥喚作針神應也可一口紅霞濃唾
秦樓煙月微茫當年有箇蕭郎到底神仙堪羨等閒不繡鴛
鴦

洞仙歌

曹種水水南邨舍圖

谿雲罨畫住人家三兩時見當門曬漁網聽漁歌唱罷有讀
書聲臨水處面面軒窗齊敞 儂家魏塘屋水竹之間占取
茆堂一分廣支港曲通船乘興能來儘緩打樵青雙槩奈一

笑相逢各天涯總讓與閒鷗作煙波長

祝英臺近

題孫華海惜花春起早卷子

繡簾垂瑤戶悄幽夢為誰覺不裏頭巾幾徧曲闌繞趁他人
柳猶眠海棠未醒儘消受月殘風曉問嗁鳥昨夜風雨何
會已有落紅了莫是紅閨偷折數枝好試看香徑蒼苔露華
濃處怕先印鞦韆痕小

菩薩蠻

顧升山畫蔬果十五種

東風欲破苔痕綠輕雷一夜驚蒼玉時節近櫻廚何人餉老
夫新譜滄玉訣小點吳鹽白又是焙茶天山家處處煙筍
又

廢畦荒圃流泉泣一檐斜日鄰翁灌頓頓食花猪還須略配
渠五湖煙水好可惜英雄老回首換年華春風雪白花蘿
又

當筵脫手金丸小蜂黃易著麻姑爪斜日洞庭帆也應喚橘
官重來門巷改一樹垂垂在記得雪成團枝頭黃雀寒杷
又

清霜初點黃花瓦兔豪圓瓊檀雲藉香遠坐來微量沙淺護
伊形容殊魁壘卻笑豐肌膩小益載根株誰傳種樹書香
又

一繩界破秋痕澹荒野蕩波流漫坐箇小漁娃船身如缺
瓜水天閒話處隱語相爾汝要見玉玲瓏紅衣褪一重水紅
又

粉痕不掩梨雲凍金盤素手投來重薄汗拭輕容有人雙頰
紅 甜香午枕透卯酒初醒後酒醒夢揚州揚州舊酒樓

又

蝸牛廬外連畦紫擔頭壓處喧朝市一笑謝廚爨飽嘗風露
香 當時花滿地色與輕衫似轉眼又秋光悠揚小蜨黃

又

平生不負然糠火圍收山桌同珍果隔岸有高荷秋來涼雨
多 岷峨殊遠在那不陂塘買生計更疏蕪今年飯豆無

又

紅衣落盡星星見刺菱圓芡看都賤最好晚涼天賣時搖近
船 西湖秋老處唱徹雙鬟女莫道苦心多空房還奈何

又

森森鶴頂愁輕觸臂支起粟皺紅玉結夏記山房微風淡隴
涼 指痕留一捻怕向鮫綃浥越女雪肌膚問郎曾見無

又

青房已拆珍珠罅金環臺榭吹初夏冰齒瓠犀寒芳名原帶
酸 檀郎閒調笑多子憐渠好低首入房櫳一方幫襯紅

又

平疇子母迎朝日東陵別見新標格破處幾沈吟可憐碧玉
名 水天同夜話逆鼻香無價插竹看登筵星期又一年

又

紛紛誰見紅鹽墮春繁常伴蘋婆果吹氣本如蘭非關一蕊
含 酒醒添病渴記取投時節纖核教還他夜鐙看作花

又

顛痕一抹紅霞暈吳孃小擘春纖嫩結子太恩恩關心昨夜

風 瑤池開落後海底仙人瘦青雀倘飛還因緣見阿環

桃子

短籬瘦竹欹斜挂一棚慣響疎疎雨低戰數枝花秋來絡緯

家 其湯煎太急飽嚼珠明月小坐晚風涼盲翁正作場

扁豆

賣花聲

題思未酒醒聽詩小照

桐葉碧悄悄小院輕陰月痕澹照第三廳貪卷疎簾風露下

不點秋燈 樓閣對高稜招手還磨夜涼乘興我來能酒半

詩成慵不寫念與君聽

又 題孫碧梧女士湘筠館樂府

小院碧雲停花又淡淡舊時珍伴共閒庭誰記迷藏花下事
蛺蝶蜻蜓 斑管費沈吟哀怨湘靈一弦一柱最悄悄彈盡
明光三十段知有誰聽

喝火令

許玉年有黃門之悼賦情悽戾自寫遺像屬題秀
芬女士一詞最工輒同其調

鶴舞吳門市鵲唳湖上墳小桃生命短三春腸斷蕭郎詩句
三月十三辰 墮馬鬟猶擁回鸞鏡易分殷勤留取卷中人
且與題詞且與焚香熏且與夜淡人靜釀酒喚真真

懺餘綺語卷一終

今生已矣又見來脈脈鏡背屏底道是相逢卻又無言情情
自搵清淚茫茫味味怱怱極尙病裏耿耿情味算向時怨緒
歡情歷歷只還如此只是吳根越角一千二百里芳草無
際澹月微茫萬瓦參差那認荒荒園子眞教不隔人天路也
勝似一生顚顚說與伊休返蓬山洞戶悄然雙閉

高陽臺

題樂元淑煙夢詞

荷露圓珠蘭風回雪空留名字堪憐才刻茗華不知玉已如
煙方塘無數田田葉問青泥何苦生蓮擘吟牋有客西江愁
滿歸船年來同抱司勳感算傷春刻意不似今年芳草西
陵爲誰澆酒花前人間只有三分月恨二分多照重泉又淒
然一个流鶯相伴嘯鳴

又

丙寅七夕

織月藏鉤羅雲學水夜涼又是星期竹插瓜分當年一味嬌
癡笑他地久天長意換絲絲此恨無時又誰知天上人間薄
命如斯星沈海底繩河遠話穿鍼心痛擘綳眉低點點流
螢飛來還坐人衣想應低度紅牆過見妝樓網徧蛛絲可憐
伊未卜他生不算相思

卜算子

微雨溼苔痕階下秋花滿有箇階前顚顚人病起和伊看
又是一番秋只是無腸斷留得當年顚顚人也不恨天涯遠

臺城路

爲江子屏題蟬柳畫扇

世閒何限秋風客哀吟爾偏淒緊灞岸魂銷齊宮夢斷點入
輕羅小景纖纖瘦影照病葉殘枝抱來難定寂莫羈人平蕪
千里故園冷乘鸞秦女底處網蟲從徧了空認雙鬢蛻後
仙衣妝餘寶鈿一例漂零誰省嗁雅露井只落葉聲中獨歛
孤枕欲訴琴心暗塵埋廢軫

夜合花

見玉簪花有作

雨浥茗英風彫荔佩感秋秋思頻添牆陰瞥見枝枝小玉排
籤露痕泣日痕遲只多情低照涼蟾更無人肯苔階溼徧來
搯春纖尋常粉印先霑付與冰簃淺貯素手輕拈薄寒漸
緊些時尙未開簾雲鬢重蜜犀嫌記當時一味慊慊最難忘
是通頭過了鸞到前檐

摸魚子

樗園客感

任悄悄竹陰滿院苔痕長自疑雨回廊小徑無人到坐過一
番闌暑秋又暮便早有寒螿四壁催機杼羈懷何苦付破研
淡杯微吟淺醉元髮變衰素江湖約負了銅駝俊侶蕪城
枉說能賦文章信美功名薄已誤昔年小杜休再誤問買取
扁舟一棹歸何處滄洲紅樹認小小柴門門前秋水幾箇舊
漚鷺

浪淘沙

歸燕已差參何處疎礎天涯蕉萃旅人心開到芙蓉無限好
只是秋淡推枕起沈吟小簾輕衾楓根可柰薄寒侵又是
一宵檐外雨到曉沈沈

點絳脣

病酒心情亂愁壓夢濃於酒曉雅聲驟一晌歡情勾 枕上
嘯痕覺後依然有還知否蚊蟻如舊少箇拳擘手

高陽臺

水盼凝秋煙眉鎖恨披圖那不神傷水精簾卷犀梳猶殢餘
香畫工縱識春風面任調鉛寫出愁腸記年時錦瑟桃鬟都
似伊長 尋常一晌閒言語到如今總費幾徧思量百就千
攔自家暗減容光潮痕兩頰生朝暈恨當初薄有疎狂祝秋
墳休長薜蘿怕上牛羊

金縷曲

席上贈阿許

燭暈華筵半怪琵琶抱來不正聲聲悽怨座上飛瓊傳姓字

曾識舊家仙眷量十斛珍珠偷換過眼穠華昏似夢賸流鶯
老去嘯秋苑垂玉筋淚痕滿 天涯有客停梧歎算人間古
來多少桃笙團扇失路才人孤憤客一例青衫淪賤只哀樂
中年難遣試琢新詞能譜否怕一聲裂帛鴟弦斷將進酒莫
辭勸

祝英臺近

髻堆鴉眉學字未滿十三四綽約春風先解折花戲不妨樓
下迷藏尊前捉搦總同在曲屏風底 夜來起不知誰殺殘
鐙小膽破濃睡嬌極鸚哥偏管隔簾事奈他澹月縈窗暗螢
穿戶又悄地逗人懷裏

又

溯繩河遵枉渚別權理南浦挑盡蘭釭夜夜淡語分明月

魄沈輝霜華催曉坐一對素娥青女 送人去還要芳草長
隄同印小蓮步蹙繡香輿淚隔碧紗雨記否寶石山腰亭亭
白堊是第一度分攜處

又

玉鞭迴鈿尺近幽蝨逼香潤作意生疏比似舊時省只憐已
隔紅牆牆東月上都不是那般花影 曉妝竟閒來還伴繡
書喚坐喜邊肯出匣冰圓認是內家鏡偷看荷背翩翩鴛鴦情
顛倒又無語頰潮紅暈

又

楚妃愁湘女怨淡蒼舊巢換玳瑁梁間海燕占來半生憎一
片簾衣不風不雨但鎮日周遮人面 有時見也只倦繡停
鍼妝罷響金釧多謝好風夜靜送刀翦如何葉葉花花相當

相對只遣隔中門雙扇

又

鬱琴心寬帶眼薄病得伊感銀鹿青媛那肯夜淡伴難忘窗
網將明瓶笙猶響鏡影裏翠眉微倦 五更短暗祝海水添
他玉漏一宵緩此後關心私語有時敢不防六幅仙帟留他
未穩早已是皺痕都滿

又

玉壺迎金犢駕催赴紫鴛社瓊姊蘭姨遠別詎能捨料他月
榭修眉雪衾擁背全不記夢殘香燧 報歸也聽說多病文
園玉骨不盈把一笑憑肩青鳥信音假可應翦燭溫存圍鑪
暖熱且償我鄉來長夜

又

檢香篝攜畫燭衣潤怕梅溽初試生綃無力出新浴殷勤半
殘春醪祝花長命渾不料霎時積玉 忍輕觸爲怕窗隙風
尖容易颺帚幅斜掩金鋪小犬吠花獨可憐從此心忪斷無
人處誤幾徧拂簾蝙蝠

又

腕闌鬆眉黛結幽恨幾曾泄冰雪心腸肯怕隴鸚舌更煩小
玉眠時輕綃去後留一點鬪人明月 太癡絕假饒長夜如
年曉色慘將別守定熏鑪坐到滿鑪雪尙憎阿母朝來梳頭
喚起已亭角夕陽紅抹

又

月圓初鏡落後佳約敢輕負笑拂征衫春雪點衣厚儘教女
伴猜疑小眉秀靨都不似向時慵憊 定來否人生如月華

年一缺那能又千徧沈吟三字莫須有請看束竹回腸香桃
瘦骨換幾點裏邊紅豆

又

斷魂驚殘夢惡花事到紅藥中酒傷春比似去年弱無端半
幅蒲帆一聲杜宇又催去水邨山郭 笑騎鶴明月原只三
分都應照離索小杜年來何忍更輕薄惟餘叩叩香囊藏來
肘後待相見替伊親絡

又

雁飛遲人病早幾度促征棹誰料長卿石井掩秋草負他密
字蠶眠芝泥鴻印空望徧片帆煙杪 鴉媒巧肯信不嫁娉
婷已分十年了何用錢刀刻意媚翁媪還虧百斛量珠一雙
種玉也博得傾城微笑

又
遶香臺移鏡檻六扇小屏展研匣鍼箱分半貯來滿那時賣
賦金多壚頭價貴也未要鸚鵡頻典 意淡淺試將酒卜郎
心寒宵倩伊暖夜冷杯殘一霎近人散而今淒絕天涯醒然
無寐便有酒也無人勸

又

倩風姨憐月上珠露記承掌認取前因此意料無恙驚心子
夜歡聞同聲婉轉已變了回波詞唱 漫惆悵人閒幾個尹
邢蛾眉肯相讓畫裏櫻桃愁裏小蠻樣尙憐鏡鵲同閒釵蟲
對剔還略似舊時情況

又

藥鑪煙相對裊淡院晚風峭塵滿菱華一月幾曾照愁他鞦韆

枕香雲釵扶不起又何論遠山蛾掃 夢顛倒尋常銀液犀
株不鎮暗魔嬈雛樣青衣所事被花惱關心嬌喘沈時暗眸
迴處怕莫又喚江郎覺

又

掩啼珠扶瘦玉喚渡曲江曲縞袂纖鞋腰細不勝束枉教疑
作江妃淩波解佩誰信有亂愁千斛 在空谷無奈日暮天
寒零落去華屋紅鬼西陵夜雨杜鵑哭傷心逝水滔滔當時
同渡卻雙槳歸來人獨

又

事三生魂一縷此錯幾州鑄肯放扁舟若箇勸無渡倘教玉
在懷投香和心爇萬一把遊仙留住 恁來去爲甚清映聲
中都無片言語尋到荒山風急又兼雨斷腸點點青苔方方

黃土又埋了一家嬌女

又

短檠昏淡院閉簾影黑垂地小擘吟箋暗記夢中事可憐放
筆聲中挑燈影裏還認有箇人無睡 應難記縱饒記得星
星有頭也無尾自恨從前恩怨總輕視判將一寸絲腸一宵
霜鬢報幾番去唾壺紅淚

采桑子

尋常侍寢更衣處燈影紗籠羅幕重重略近前時面發紅
月明雨落無人覺侍婢都慵裙褶惺忪香棗何勞問石崇

卜算子

階下綠薔薇架上紅鸚鵡忘卻窺簾尙有人攜手潛來去
輕試踏青鞵暗躡凌波步不道回頭別有人信口相儂汝

意難忘

箏語琴言約羊燈照影鳳紙傳牋天穿逢令節月滿記芳年
人定後夢來前難道玉如煙正峭寒春風催曉紅淚涓涓
輕綃製就中單認蠶黃蜨粉花落先黏鵲嗁留恨血懶髓助
香癡金篋鎖鈿筐緘珍重一春殘肯竝他綠羅裙帶水上同
湔

更漏子

杜蘭香羸弄玉一例仙家眷屬錦瑟短玉簫長何曾作髻忙
月嬾嬾花醋醋時節近來重五沈醉後錯相呼畫簾聞鷓
鴒

洞仙歌

初三下七愛共蘭姨戲二八華年滿除四拜鉞神修笛譜步

步教隨婉婉甚也算齊心耦意揚蛾憎眾女謠詠紛紛池
水干卿定何事聯臂舊時歌變了歡聞重來後贏得大家顛
額若不是當年見猶憐肯繡被分教伴鴛鴦睡

河傳

花顛燈淺移來屈戍小屏淡掩屏閒鴻鴻一雙栖東西兩頭
蓮葉齊 麝熏未肯閒孤鳳梨雲凍好做同牀夢夢忽忽帳
重重芙蓉淡紅和淺紅

沁園春

無分今生何似當初相逢漠然卻雛鶯乳燕見伊小日飛花
落絮送我中年玉淚珠嗁紅愁綠慘便是無情亦可憐誰知
是有心頭暗恨記也難全 那回款語鐙前似密意淡情略
為傳道枝名連理種原無地禽名共命修到生天三素雲輕

六銖衣薄定在寒簧瘦影邊還能否撥齊煙九點來照孤眠

行香子

子貞月夜登小香雪亭作畫屬賦

孤榜清遊烏帽籠頭問招來幾箇閒漚沿洞撥棹窈窕尋邱
有三分水二分月一分秋 平生最憶採梅踏雪虎山橋埕
影香浮而今重到怕減風流少舊時人舊時月舊時愁

霜天曉角

題吟香女子小影

綠萼開些拓當風畫紗窳地退紅衫薄恐小立冷於花 鴉
又新挂他問姍姍是邪說與吾家窗下有竹外一枝斜

湘月

題子屏填詞圖

石牀斐几正蕉陰綠暗雨過如沐漸入涼秋合料理舊日哀
絲豪竹鬢影琴邊箭修月底試與同聲讀江郎宮體譜來總
是新曲憶否小住名園偷聲減字刻尊前紅燭協律微茫
怕誤了多少詞流毫禿滑笏牋長翻香令小薄有花閒福何
時歸去記歌念取人獨

桂枝香

中秋有感

姮娥不嫁問終古淒涼可記長夜未必青天碧海便無情者
一年十二回員闕恁今宵淚痕盈把那堪還又歌闌人散夢
殘燈地想妝閣夜香燒罷看珠斗闌干檐角低挂有日雲
鬢霧鬢照伊清話人閒小別何須恨恨沈沈青楓根下步虛
聲斷霓裳曲破此生休也

玲瓏四犯

玉年以元人雁宿蘆花雅宿樹各分一半夕陽歸
句爲圖極蕭寒清遠之致爲題此解

樹老易風蘆荒疑雪江邨物候初冷夕陽無限好又是黃昏
近昏昏四山做暝但催他亂雅成陣更著蒼茫一行征雁嘹
唳助淒緊天涯孤客閒省記菱根振柁沙觜維艇小奴驚
欲起點墨濃初定江湖有夢何曾熟算還是眠鷗差穩笑指
橈頭船問載歸定肯

綺羅香

姑嫂餅

屑麪輕勻搓酥滑潤傳自香閨新製樣學桃花小印脂痕紅
膩想曉趁戛釜時光正嬌伴扶牀年紀全不防腸斷行人垂

涎先在下風矣 橋梁臨水堪認道是蔣家妹小食單親試
作罷羹湯纖手入厨重洗笑曲讌畫地虛名愛齧脣頌椒風
味莫教恁說與彭郎况甯王宅裏

桂枝香

屠墳秋鳥

荒林落照認宰樹蒼茫一羣驚噪纖繳鳴弦已有弋人尋到
陶邨馬疇披縣好算總輸酒邊風調蜀薑鳴金吳鹽點雪榨
瓶開了 問何事輕離海嶠有淩衣同戲紅椒堪飽萬里頭
顛來博尊前人笑雲羅滿地西風早想江湖羈雌多少料應
夢斷蠻天一角暮煙孤鳥

雪獅兒

茗玉女士輯銜蟬錄隸事極博高邁庵爲作子母

銜蟬圖索題此解

粧樓記就知是無聊深沈院宇側輟橫眠亭畔花陰剛午繡
整小住誰教見花奴戲舞更貌出薄荷酣後雙睛圓處 門
外珊鞭休去儘香溫茶熟小名錄取簪裏青鹽差有殘書煩
護癡兒駉女笑一例蟲魚箋注應知否合伴畫檐鸚鵡

長亭怨慢

瞿花農分司相見西湖出王蓬心太守漢臯贈別
圖見示有二娛題詞輒依韻倚聲

笑又是閒雲離岫西子湖邊相逢梧酒漢上襟題回頭已是
廿年舊漫郎渾漫應未要稱聳叟對畫裏江山話昔日回颿
風候 還試問吳根越角可以武昌樊口扁舟容與且消遣
雨僂風憇趁嬉春老鐵能狂煩鑪畔諸公屯守指點傍西冷

一帯青青新柳

柳色黃

於越中買新鷺一雙戲爲詠之

曇碾邨邊春水方生短櫂初逼書生家具無多隨意一籠攜
得滄波亂眼送人千里歸來門前新柳嬌黃極還怕惱比鄰
浴那家池側無力鷗羣閒趁曬翅魚梁伴他鴻鵠老矣傭
書不羨東堂行衙小樓臨水難忘雙髻樓頭排成玉管參差
立彷彿凭闌干見袖羅顏色

乳燕飛

送蔣淥初之臨川

一例天涯客怪相逢推襟送抱似曾相識西子湖頭長安道
十載恍同遊跡偏勞燕差池雙翼不信將軍門下見有此君

蠻語余長揖同握手章江側 齊年四十初過一看紛紛當
時同學輕肥顏色雁鷺行中紙尾署也勝白頭射策便詞列
三王何益玉茗堂前煩問訊屬海雲留取通仙笛曲有誤顧
應得

水龍吟

江右旅館喜雨

疏疏幾陣涼颼颼然便送敲窗雨樹梢流響草頭顫影霎時
無暑一片濃陰多應來自西山南浦料天公也厭炎官火織
怕困損人羈旅 惜少高荷大芋展桃笙醉眠聽取紅綃初
浴碧簪斜墜枕痕留午小扇輕衫知他此際倚闌何處向畫
屏十幅瀟湘天遠夢尋伊去

浣溪紗

戲餘倚吾卷二

七

寄內

一別無端半載強輕船三版整歸裝可憐蓬背已微霜
月榭鎖魚鯉永夜風簾蠟鳳淚雙行不成還道不思量

疏影

燭淚

珠噉玉泣向畫筵深夜相對愁絕今世紅紅宿世蟲蟲生平
最惜離別風簾露席隨升降判滴滴爛銀荷葉算芳心未是
灰時肯怕界殘紅頰便與籠紗護取也應護不到將地時
節苦憶高樓網戶瞳矓照見粉痕明滅羅襦低解聞薺澤有
誰問堦前堆積只淒然擁髻人人愁沈石榴裙褶

憶舊遊

酒帘

記絲楊漸暗文杏初明一見關心似與東風約看斜斜颭颭
先得春情隨意水邨山郭倦旅為伊停正解佩人來提壺鳥
喚好箇旗亭阻風原不恨恨俊侶高陽多半漂零還向壚
頭去認低窗高柳是處曾經只是風前半幅不似舊時青試
閒立平橋前谿煙雨深未深

聲聲慢

闌干

苔堦恨淺竹迳嫌深虧伊屈曲周遮背手微行湘痕紅出明
霞沈吟碧城十二問那邊庭院誰家閒付與瓊瓏澹月低亞
疏花嘗恨當時夢裏枉等閒敲徧沒處尋他歸去念念斷
腸一角天涯幾番畫廊癡立認有人鞞裏來耶渾不見但文
窗深掩絳紗

如此江山

香篆

何人斜掩屏山六簾衣又深深下小炷微紅輕絲漸裊靜看
縈窗尋罇尖風易惹恨剛結心同又吹煙炮一縷柔腸分明
宛轉爲伊畫 前帶水上猶記博山鑪俱過前約都謝羅帶
輕分銀槃愁寄難翦夢雲盈把熏籠倚罷對鏡影離離悄無
言者手撥餘灰隔窗梅雨灑

小樓連苑

簾波用蘭邨韻

後堂前閣空明最深處溶溶地龜紋半蹙駝鉤不上一絲
風細月地雲搖苔堦潮轉欲垂還起怪驕獨睡醒羅鬢行到
都驚道花枝碎 隔著樓頭廊底幾曾隔粉香脂膩只是陳

王通辭難託湘雲湘水便有時開見伊率地畫帚斜曳總生
憐俊眼將流流不出相思字

風蝶令

和湘霞韻三首

煙視雙行近蘭情一見稀入懷嬌鳥向人依只覺愁多意重
語言微 手裏題詩筆牀前織錦機蘇孃謝女是耶非難忘
一燈明處兩眉飛

又

漂泊年華小周防用意深鴛鴦翡翠定珍禽誰信單棲無侶
到而今 湘影重簾認霞光斷臉尋兩頭帶帶盡同心知否
一尊相屬意千金

又

誓恐旁人聽情原我輩鍾別時莫恨太匆匆肯許名花移入別家紅
病定春來較人終月下逢祝他二十四番風取次送將帆葉五湖東

買陂塘

十二月五日三衢道中

怪吳船看來葉小載人愁重如許阻風聽水年年慣不似者番淒楚臨別語約消夏筵開定不過闌暑歸期屢誤又二九時光一千里客未半到家路閒情賦更惹新來怨緒故鄉鶯燕相遇遠山不作念念別肯作鏡中眉嫵語更苦怕病蕊嬌花難待春風主亂帆無數誰信有中閒烏篷一扇兩地夢來去

夜合花

鏡花寄湘霞

善恨蟲孃含情蠻女多生半是嗔痕相思一寸灰心又長情根玉釵冷玉荷溫囑雛鬟掩上重門只愁無睡對伊絮語銷盡癡魂江湖孤冷誰親多謝一尊酒滌相伴溫存殷勤低祝並頭開出蘭蓀有何事報伊聞道歸人已近家邨不知今後照他擁髻幾箇黃昏

一枝春

王清閣女史畫簪花仕女用草窗韻

一鏡春痕誰喚起多分敲窗微雨心期細數殘夢恨無頭緒幽蘭空谷渾不省杏愁梅嫵但折來認取同心又惹兩眉愁聚年時送人行處記新梳叢鬢嬌歌金縷眉山漸遠十樣畫圖誰譜菱花側背料怕有箇中人妬還怕有雛鳳釵頭聽

人小語

醉太平

石敦夫曉風殘月行看子

曉山欲青曉煙未橫一帆早挂郵亭問何人曉行 蓉城曼卿屯田柳生一生幾箇黃昏又今宵酒醒

疏影

惺泉浮香樓圖余舊為作序并詩今相見於吳門正當梅花時欲歸未得復為倚聲作此不知有慨於中也

生香活色記舊會相約短棹遊歷認是西溪千樹梅花無人管領煙月故家臺榭知何處有野鶴暫歸能說見當時二老風流閒倚畫欄清絕 同向江湖流浪欲歸那便肯如此蹤

跡江北江南銅井銅坑過了試花時節人生但有三間屋便無地種梅也得問何時深閉柴門臥穩故山風雪

買陂塘

為莊棧堂題其尊甫遺照同二娛調

好煙波憑誰買斷魚陂千石潏泐四先生里家園在隨意卜居無恙濠濮想便不載箬簪也號谿翁長綸竿一丈已付與兒郎釣鼈身手老子任疏放 人間世齊物養生都妄騎驃人又長往披圖不見南華叟秋水拍天新漲添悵惘恨惠子來遲無與微言賞孫枝竟爽看石上珊瑚掌中海月次第出絲網

瑣窗寒

寓齋窗閒見金絲花架一股知為閨中物先是此

閒彩雲曾駐凝想芳澤雜以遐思邀楊浣菴同作
花落辭枝珠空賸匣是誰留取粉褪香銷轉更殢人淒楚想
當時曉涼妝罷小鬟纖手穿無數有紅絨替約素馨分配鏡
臺斜覷人去彩雲駐向花戶油窗拾來愁緒金絲幾縷也
還勝同心釵股得知他又側著髻兒明珠翠羽遊何處鎮無
慇細撚閒吟背鏡深夜語

唐多令

卷簾仕女

鈿盒掩香籤金軀露玉纖想妝成初到前檐驀地回頭思舊
夢渾不似昨矜嚴小院曉風尖羅衣卸又添記當時總恁
慳慳留得小脣和秀靨判長隔一重簾

憶舊遊

題澣薌與鷗爲客圖用夢窗體

此生何所似似鳧雁啞啞水爲家江湖夢偏穩青山斷處一
片圓沙著箇風標公子海客肯來耶問如此陂塘定應相識
莫又天涯芙蓉好湖水儘烏榜洞沿白袷欹斜欲逐鷓鴣
去有雲羅萬里界住明霞松陵舊盟寒未雙鬢已鬢且與
醉西湖水仙廟外開蓼花

高陽臺

文孝坊偏百弓地小舊家容易遞流叢桂山邊淮南雞犬曾
留營門細柳如絲碧記攀條才拂人頭更移舟黃胖泥孩閒
語春遊前塵如夢都難忘況驚殘楚雨想到秦樓去燕空
梁此中無限春愁而今零落知何處對孤山夜月香浮肯歸
休一幅生綃環佩聞不

月華清

靈芬館前晚桂一株已燼未華夕露晨飈傾佇良
久念將遠遊恐不能待詞以催之

簾卷涼天葉明月地當時試花曾賦偃蹇淹留略與小山爲
主數年來幾度中秋已半付天涯羈旅容與待寒金粟綴嫩
黃蜂注 爲底銀屏深悄費似水尖風似珠涼露寂寞姮娥
愁損葉兒眉嫵想夜來碧海青天定見我舊叢延佇知否便
能簪鬢髮鏡霜如許

洞仙歌

題高穎樓孫秀芬額粉庵聯吟卷

有情天上住一雙珍偶才膠冰絲玉琴奏看琉璃匣啟玳瑁
簾開新妝竟更費侍兒纖手 芙蓉當霧夕得意何郎卻扇

詩篇在人口竝坐擘蠻牋如鏡湘湖照夢裏筆花開又怕額
上粉痕未曾乾早羅韞花陰一詞先就

買陂塘

富陽道中見烏相新霜青紅相閒山水映發帆檣
洞沿斷岸野屋皆入圖繪竟日賞翫不足詞以寫
之

繞清江一重一掩高低總入明鏡青要小試嬋娟手點得疏
林妝靚紅不定襯初日明霞斜日餘霞映風帆煙艇儘闊拓
窗櫺斜欹巾帽相對醉顏冷 桐江道兩度沿緣能認者回
剛及霜訊蕭閒鷗侶風標鷺笑我鬢絲飄影風一陣怕落葉
漫空埋卻尋幽徑歸來重省有萬木號風千山積雪物候更
淒緊

憶舊遊

巖瀨道中偕壽生同坐船頭倚聲歌此幾欲令四
山皆響也

正風開帆葉雲擁山根又逆奔瀧合沓羣峰出似千屯冀馬
高步臨江江水彎環碧玉流影去淙淙算如此江山舊曾相
識者箇吳艤 船牕喜同眺問畸士東京遺老南邦突兀高
臺外賸紅衣一樹楓臥空腔晞髮披裘都往斜日下漁砭但
極目寒煙滄波白鳥飛一雙

菩薩蠻

鄰舟有見

衫痕翦取秋江碧袖羅紅繡雙鴻鵠山遠澹微茫蛾眉滿鏡
長 爲誰同作客愁水愁風極野泊不勝寒錦衾斑復斑

行香子

安仁道中

灘緩波柔雲薄風收小春天客卸征裘斂舫一曲聽我吳謳
正雁南飛山北折水西流 白鷺汀洲黃葉沙頭比江鄉一
樣清幽他時歸老若此何求只要山田要水碓要漁舟

洞仙歌

爲嵒園題女郎三喜小影

毘藍風緊墮諸天花蕊三界人天共懽喜正華年月滿薄命
雲輕珠一顆剛照弄珠樓底 東湖流不盡香艸相思有箇
離騷舊苗裔佳約踐難期一幅生綃倩留取畫蟬雙髻記桃
葉儂會渡頭逢要寄與東風那時衣袂

月華清

題蘭邨倉山話月圖

水閣鐙殘地樓鈴語一丸涼月初滿幾箇秋人坐得六朝山
澹只消他隨分琴尊且話取露濃風軟三歎記昔年裙屐風
流雲散 尚有彭宣老去蓉裳 指是處亭臺那時弦管重譜
霓裳也恐羽移宮換料素娥不解窺人定未識少年清婉歸
晚怕故山猿鶴恁啼幽怨

賣花聲

莫愁湖焮泛圖

遠水淨員沙樓隱紅霞石城艇子小能擘閒向六朝山影裏
去采蘋花 衰柳幾絲斜風帽低遮舊時俊侶各天涯何似
鬱金堂上燕長傍盧家

紅情

蘭雪蓮花博士圖爲淶春女史作

花爲四壁看水雲砌就琉璃宮闕有箇玉人顏色與花略無
別吹皺平池萬淶教先向春波偷立笑隔浦卅六鴛鴦癡如
定愁絕 鄉國去未決且小住橫塘並葦雙折鷺渥伴侶半
面頻闕也應得何似南園老去認照影驚鴻都隔待樂府題
補了聽伊摩笛

懺餘綺語卷二終

邁孫重鑲靈芬館詞甫竟高君龔甫出所藏懺餘詞一卷相
眎蓋道光壬午冬頻伽先生寓樓不戒於火後從友好鈔集
而成者邁孫得之如獲拱寶亟爲補苴以成完璧龔甫之有
功於靈芬爲不淺矣古人遺文墜業散佚不傳者不知凡幾
世有如邁孫龔甫其人者爲之搜輯而存之吾當鑄金事之
尤願邁孫力充此意於無窮已也庚辰二月秀水沈景修記

鬬餘詞卷一

吳江郭麐祥伯著
仁和許增遺孫刊

河傳

茶蘼

題碧梧女士
畫扇六首

春晚人倦起來遲額角輕黃退時二十平四番風信吹絲絲
枕函殘夢知入骨甜香濃似酒簾卷後小試折枝手步池
塘過回廊忽忙鉤他宮裏長

清平樂

紫丁香

團香蹙繡一剪春風皺十索新詞渾未就贏得丁孃消瘦
芭蕉不展微陰含豪幾度沈吟付與閒愁百結不成沒箇同

心

南鄉子

茉莉

小玉雪肌膚道是珠孃道是吳一種卻教儂艷羨花奴得
船舷見彼姝綺夢半銷除振觸閒情尙爲渠記得夜涼人
睡醒紗幘愛問雲鬟墮也無

憶秦娥

秋海棠

秋如水露涼風細添顚顚添顚顚何曾得似那時濃睡一
番薄病扶初起爲伊立向空階裏空階裏亂蛩殘月冷清清
地

洞仙歌

落梅

人間無地著春愁千斛一夜東風與埋玉算玲瓏鎖骨葬向
空山也勝似蚤蚤安排金屋招魂來紙上斷粉零香猶是
眉閒舊時綠莫道不相思點點啼痕已漬滿輕綃十幅待夢
到西泠去尋伊怕別院樓頭又吹橫竹

浣溪沙

蘭花

髣髴銅餅見露苗疏花嫩葢澹含嬌湘江清淚滴春潮豈
有心心同婉變并無葉葉助風標斷腸一集是離騷

臺城路

和蔚堂題楊白花詩意卷子韻

不勝淒黯江南夢濛濛慣隨春去水驛波寒山亭風緊身世

有誰爲主迷離如許記曾向長隄那邊呼渡一帶絲楊滿
不是舊時路 紗窗才拓幾扇只捲簾人起初見飛度燕子
關心伯勞偷眼尙有流鶯相訴東風辛苦問吹皺池塘送伊
何所打槩蘋洲和儂漁遂譜

憶舊遊

滄嶼園故址

見蘆芽抽碧菜甲攬青柳綫搓黃路轉荒城角賸彎環漫水
圍住陂塘著意融融冶冶分綠上魚矸想盪槳船歸浦幫人
去留下波光 中央儼孤嶼是平遠江山鷗鷺家鄉小立斜
陽裏指斷霞明處昔日紅牆塵世幾堪俛仰隨地有滄桑待
菡萏花時還招野客乘晚涼

行香子

題小迂畫扇送老薑返揚州

蠶老柔桑鶯老垂楊又匆匆送盡春光送春送客同在他鄉
乍月朧朧雲澹澹雨浪浪 豆莢初嘗芍藥能香有人人正
夢維揚勸伊小住弭棹橫塘待櫻桃爛梅子熟枇杷黃

齊天樂

眞州見杏花盛開

江南何處無煙雨先生者回歸未淮浦飄收揚州夢破墮入
紅雲隊裏烏篷搖曳早樸樹灣頭一旗酒貫卅里天桃愁春
未醒尙濃睡 江湖載酒無端笑梅花開過猶自留滯今日
重三明朝百五又見老烏銜紙樹猶如此銷燕燕鶯鶯幾番
身世賣到樓前曉妝人定起

柳梢青

子貞招遊湖上題酒家壁

如畫春城乍寒暫暖似雨還晴梅萼將飛桃枝欲放柳色才青
良時令序難并算者度韶華有情昨夜初三今朝寒食
來日清明

瑤華慢

小金山梅花欲殘香雪猶浮動山水閒

煙痕乍禁禊事初修尚薄寒時節雙槳掠波已喜得橋外水
光先活香南雪北賸一片冷雲明滅想妙高臺最高寒未有
玉人橫笛 獨欹烏帽來尋認月觀風亭步步幽絕清遊較
晚早滿磴落英如積斜陽澹處又鉤起二分新月任隔牆梵
放催歸未許翠禽啼歇

憶舊遊

過揚州未得尋楞園悵然作此

又煙花三月浩盪扁舟來問隋宮不待珠簾捲向管絃聲裏
別去匆匆記得舊巢痕在禪榻占春風有竹影便娟茗花妍
媚桂樹丰茸 於中多好事曾歌邀子夜曲懊吳儂酒人兼
狹客愛翻香令小減字聲重一點綠毛云鳳容易傍梧桐問
今度桃花何如昔日人面紅

夢橫塘

糧艘浣衣女郎婉頰可念感而賦之

文魚銜尾綵鷁排頭移來一痕波輕小小窗櫺正雨過筠簾
齊捲越紗裁前吳棉坼後停鍼人倦趁洗頭盆好蘸碧按藍
猶憐取餘香染 知伊住近橫塘有機中素織石上紗澣髻
綰拋家便一任絮萍漂轉算直北風埃撲鬢只恐羅衣暗中

換弄暝天光
柁樓晚飯想
心情都嬾

一剪梅

贈荻君

夾轂相逢問狹斜
樓上琵琶門外枇杷
風吹多少肯來耶
臣里東家吳苑西家
澹澹藤蘿映月華
好片圓沙好浣溪紗
鴛鴦頭白記些些
不是楊花不是蘆花

貂裘換酒

題小農停杯顧曲圖

宛轉提壺喚泛觥
船百分一棹花滿酒滿
絲竹中年須陶寫
隨分玉簫金管有
兩兩蟲蟲燕燕薄醉
不消判茗芋已研羅
幫畔春寒淺綽板促
急觴緩廿年前事韶
華換又相逢甕邊捉
卧依然酒伴後院綺
筵休著我杜牧狂言
原慣早猜出

護花人面嚼蕊吹香了
無悞問檀郎何事頻回看
浮大白莫辭勸

買陂塘

雲臺先生寓京邸時有小園太常寺仙蝶嘗一再見之花前舊藏董文敏詩箋有蝶夢之句因取以名園且繪爲圖而裝詩箋於前摹仙蝶於後屬賦算玉城萬人如海惟餘傲吏能隱阜城門內岡南畔尺五去天差近花成陣仗廿四番風次第催芳信廊腰井吻有芍藥亭歇茶靡架重容易落紅權容臺叟便面銀鉤猶印墨痕如此芳潤漆園有道羲皇上那屑六朝金粉頻問訊識此客人閒不羨朱衣引圖書經進好平地歸來小園賦罷黑蝶繞雙鬢

高陽臺

病酒

似夢還醒將眠又起今朝直恁無聊未展屏山帳紋時動水
 綃數聲啼鳥驚人覺已慙慙紅日花梢喚茶甌眼倦微搓舌
 強須澆天涯没个閒消遣况故人重見俊侶都招雪白
 紅那禁物色相撩元龍豪氣隨年減算而今祇讀離騷計行
 程私祝江風莫阻歸橈

鵲橋仙

留別荻君

鷗侶同波秋心比潔野水荒灣愁別多應石上有前期又墮
 我一丸蘿月莫是潯陽夜來送客醉貌略如楓葉天寒日
 暮定相思判畫到爐灰成雪

水調歌頭

曼生屬題其大父魯齋先生釣鼈圖

陳登湖海士李白地行仙置身只合蓬島九點渺齊煙截得
 孤生之竹綴以一丸明月引手六鼈連最好不貪寶閒任老
 龍眠螭坳立熊軾畫賦歸田騎鯨一笑天上披髮去翩然
 今日繫舟山下尙有讀書孫子小割試烹鮮待爾政成後同
 放五湖船

買陂塘

題種水圖用原韻

笑村農何曾學稼釣徒或者堪儼隨身但有閒漁具那用鶴
 頭鴉菁如此水便都變良田盡種長腰米也能餘幾要秫釀
 春醪糧分瘦鶴花插百弓地揚州夢中酒阻風聊爾灌夫

會畜爲弟君與余齊年小耳封侯老矣知無分亭長新銜魚計浮世事恨漁父湘纍不得同時醉埽除家累約一舸相從五湖許泛分取畫中意

原作

曹言純

宅清漳中央南北前賢軌躅難擬由拳城外誰爲伴鷗鷺招來沙觜畊白水拚羹飽菘絲香飯炊菰米田園賸幾笑兩槩緣流一篙蹋浪那有卓錫地形容頓無分登瀛畫爾家風漁父兄弟魚陂干石封侯等也乏計然心計身外事算儘付蓑衣獨速船頭醉閒情自累只笠澤編書贄洲譜遂未了舊時意

風蝶令

題伯生香嬰室圖

館是童初築山仍羣玉居神仙何事最關渠聞說三千玉女盡知書傳得嬋娟影憑將樓閣圖新宮一記待儂無還要蠶眠細字倩麻姑

菩薩蠻

題雙紅豆圖

東風在手靈苗活南園紅豆春來發接葉更交枝一雙兩小時長真高閣好閣裏人難老記曲喚紅紅芳名也愛重

買陂塘

題改七香少年聽雨圖

最銷魂蕭蕭暮雨吳娘舊曲曾聽畫船櫂轉花兜外六扇窗紗紅近眠未肯任窳地香羅垂下流蘇等九枝鐙檠照人影幢幢屏風曲曲容易卸妝竟歡場好只倚少年豪橫花前

醉倒休醒星星一點來頭上便與歌樓無分君也省要招此
無家同住清涼境香鐙清磬儘蝙蝠拂簾芭蕉繞屋欹枕睡
來穩時有破山寺
結夏之約

滿庭芳

題呂卿香蘅館圖

蘿帶飄煙荔裳裹雨高館儘好吟秋楚詞課罷容易畔牢愁
是處疏簾不捲盪瀟湘一片雲浮閒行徧芷畦蕙圃隨意小
勾留前修思屈宋美人香草寄託深幽便微詞多有也足
風流好在桐花萬里肯同他顛顛江頭只憐我王孫游倦歸
思滿芳洲

水龍吟

題曼生石門聽瀑圖

青天何處龍吟濛濛吹出漫空雪松濤萬壑冰絲千縷琴心
三疊洞口雲荒山中鶴老何來此客想謝公去後石門深鎖
留好景與誰說海上歸來時節儘雍容閒尋風月簫笳聲
斷箏琶耳洗一時清絕木葉羣飛四山皆響蒼然寒色認跳
珠濺玉銀河垂處有仙人謫

聲聲慢

和慈仲坐雨之作

蓬蓬尙遠淅淅將闌懵騰不辨朝昏汝南雞好虧他猶記蕭
晨硯池一泓殘墨爲昨宵留住愁痕還題句要裁雲剪月逗
一分春差喜歸來相對正鐙花粲粲杯竹傳根才卸征衫
又煩洗卻征塵微吟淺醉休輕視勝他時遠道懷人判醉也
便取次書徧練裙

買陂塘

稼庭以藕香來歸繪圖紀事余題種藕成蓮四字於首頁并系以詞

買陂塘玻璃十頃請看綠淨難唾東西南北皆蓮葉除是江南才可開一朵認妙法華鬘不受青泥沆移根帖妥儘曲檻低憑畫欄閒倚月曉未愁墮 臺城路聞說莫愁曾過沈吟佳約能果鷺猜鷗妬更番事直得銷魂真箇浮一舸也勝似秦淮漆板紅船播修眉休鎖笑桡桡波迴鴛鴦夢穩雙調唱還和

齊天樂

單藹臣司馬夢回圖用穀人祭酒韻

儘銷一枕遊仙意繩牀木榻堪埽栩栩回初惺惺斷後只有

靈光孤照綠天遮了任雨覆雲翻不將公惱影事前塵黑甜鄉裏最幽悄 人間世事都幻付漁篷滄浪睡起成笑石鼎茶香瓦鐺飯熟誤卻浮生多少醒來也好奈白日黃雞一齊催曉我亦揚州十年留賸稿

買陂塘

題琴鳴邪溪漁隱第二圖用飲泉韻

記年時青鞵布韞沿綠尋徧煙水樵青打槳漁童唱鶯得浣紗人起重到未悔如此溪山不把扁舟繫住爲佳耳看劍外官人湖邊老監鄉夢畫圖裏 男兒事出處要非無意再想想見高寄三千六百璜溪釣何似一竿風細儂試擬怕比似鴟夸太早五湖計鱸魚雖美又驛吏催人街亭排馬風雪促征騎

賣花聲

題李子木煙泉蘿壁看子

青玉削嵯峨秋影羅羅坐來寒翠溼衣多領取風泉歸一壑
彈入雲和卜築傍岩阿老子婆娑郎君撰杖侍行窩肯信
有人空谷裏日暮牽蘿

臺城路

宣窰蟋蟀盆

秋風吹換人間世此中貯秋聲者似鏡能圓比甌無缺還勝
香姜殘瓦提攜羅帕慣阿監青蛾聽來長夜剔盡苔痕棘鍼
花草極妍雅一行小款誰寫怕銅仙漢苑鉛淚如瀉金鼎
香熏錦堂詞麗都付冷攤評價宣德銅槃多刻錦堂春詞千金注也笑蟲
達侯封論功此亞譜入唐風水天兒女話

綺羅香

同人集文藪山房酒閒爲柳東題朱竹翁瑞蓮詞

冊卽用竹翁第一首韻

別院鎗紅照檐梅白夜酌正開春饗閒話詞仙杯底酒波如
涌新聲倚羅綺香餘遺墨在文章緣重應笑他頭白曹侯買
來一水也思種種水有和作菱池槐汧都廢那有紅衣翠蓋水
風涼送遂譜贊洲吹醒老漁殘夢積膺外卧柳將青斷約下
員紋欲動問何時更權蓮舟藕絲同雪孔

如此江山

西齋七十二賢峰草堂圖用琴隲韻

十年躡徧西湖路西谿獨遲搜討晚港尋煙秋華殫雪可許
蘆中人到山阿窈窕似羅列成行曲眉齊埽者箇茆堂分明

指點出林表 余懷天際渺渺風塵都倦矣陳跡還蹈兩鬢
先絲一椽未卜慚媿白鷗吾導眼中了了只東野詩工有山
難抱遂譜蘋洲聽歌應絕倒

浪淘沙

己丑除夕閱種水削縷詞中有和周晉仙明日新
年一闕輒和其韻未免見獵之喜也

驄馬鐵連錢芳艸芊眠載來金鴈與鈿蟬箏柱十三釵十二
一櫂觥船 舊夢阿誰邊說甚因緣只今禪榻坐蕭然佛火
爐香清到曉明日新年

壬午十二月廿二日所假館之樓火僅跳而免所著皆
燼友朋撥拾間以鈔寄不復次第得卽存之頗伽記

爨餘詞卷一終

邁孫先生靈襟浣月吟吻粲花握雲機之九張兼工眾制疊
水調之百闕最擅倚聲漱玉液于露葩紉蘭馨于秋佩冥契
獨結靈芬是師古佛之事鑄同黃金私淑之稱鐫之翠琬瑤
杼所出瓊絲合奏矣海桑閱變雲葉鮮遺先生慨焉乃發襲
芸之藏重付雕梨之手合其三種仍爲一編爰以校字得快
先覩夫緣情造端導源樂府令慢代擅厥義未亡洎近世之
名流亦清辭之踵起然或銅琶鐵絳寄情于豪宕融朱冶粉
刻意于娥曼矜其一體終成單絃吳江扇微郢歌應節抗墜
善變宛轉工思緝冰緒于眾家激霜亮于萬吹疑前身爲明
月是芬塗之導師墜響不振來學安式先生是舉不甚盛與
抑又知先生家富琅函性耽瓊祕凡 昭代諸家之詞或有
舊編罕覩珍鏤已灰莫不搜笛裏之清聲訂梅邊之小譜玉

賤親寫絲笈深緘自茲以往意且以次付刊將使棲塵秋瑟
並調待絕之朱絃入手元珠彌煥未沈之皓彩則是編之出
爲嚆矢矣詒壽早嗜言情粗知按譜宗風未昧願同一瓣之
心香文章有神請以片言爲息壤光緒己卯十月山陰王詒
壽跋

